



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: _____.

Datum: _____.

PRIJEDLOG

Na osnovu člana 14. Statuta općine Tešanj ("Službene glasnik Općine Tešanj", broj: 11/07), a u vezi sa članom 8. stav 3 Alineja 8. i 9 i člana 13. stav 2. alineja 5. Zakona o principima lokalne samouprave u Federaciji Bosne i Hercegovine ("Službene novine FBiH", broj: 49/06 i 51/09), Općinsko vijeće Općine Tešanj, na svojoj redovnoj sjednici održanoj, dana, _____ 2019. g., d o n o s i

ODLUKU

o davanju na korištenje zemljišta u Bukvi firmi "MADI" d.o.o. Tešanj

Član 1.

Daje se na korištenje firmi "MADI" d.o.o. Tešanj zemljište u Bukvi u ukupnoj površini od 5614 m², označeno kao k.p. broj: 997/2 za K.O. Novo Selo i k.p. broj: 998/1 za K.O. Novo Selo, bez promjene upisa na navedenom zemljištu, radi zbrinjavanja 20% animalnog otpada nastalog u radu firme, i bez mogućnosti korištenja drugih parcela za tu namjenu.

Član 2.

Zemljište iz Člana 1. ove Odluke daje se na korištenje najkasnije do _____ godine.

Član 3.

"MADI" d.o.o. Tešanj zemljište iz člana 1. ove Odluke može koristiti uz obavezu da;

- Općini Tešanj mjesečno dostavlja pregled izvoza otpada prema Agroindustrijskom kombinatu iz Bačke Topole (AIK) Srbija, sa kopijama carinskih dokumenata vezano za odvoz/izvoz otpada,
- Obezbjedi dozvolu za upravljanje otpadom i njegovo odlaganje, od nadležnog kantonalnog Ministarstva, te istu dostavi općini,
- U roku od 8 mjeseci završi investiciju proširenja postrojenja za prečišćavanje otpadnih voda radi suzbijanja pojave krvi u vodotoku, kao i da preuzme punu odgovornost za isto, o čemu će kvartalno izvještavati općinu.

Član 4.

"MADI" d.o.o. Tešanj zemljište iz Člana 1. ove Odluke, treba da koristi i održava na adekvatan način shodno ekološkim i sanitarnim propisima, sa što manje negativnih i štetnih uticaja na okolinu.

Član 5.

JP Rad će voditi precizne evidencije o deponovanom otpadu i mjesečno iste dostavljati općini Tešanj. Služba nadležna za komunalne i inspeksijske poslove će vršiti monitoring odlaganja otpada, kao i provođenja ove Odluke, te mjesečno izvještavati Općinskog načelnika.

Član 6.

Kolegiju Općinskog vijeća će kvartalno biti dostavljena Informacija o realizaciji ove odluke.

Član 7.

Ova Odluka stupa na snagu narednog dana od dana objavljivanja u "Službenom glasniku Općine Tešanj"

**PREDSJEDAVAJUĆI
OPĆINSKOG VIJEĆA**
Senad Subašić, dipl. oec

O b r a z l o ž e n j e

PRAVNI OSNOV:

Član 14. Statuta Općine Tešanj ("Službeni glasnik Općine Tešanj", broj: 11/07), a u vezi sa članom 8. Alineja 8. i 9. i člana 13. Alineja 5. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09).

RAZLOZI DONOŠENJA:

Općini Tešanj se obratila firma "MADI" d.o.o. Tešanj, za produženje perioda korištenja zemljišta označenog kao k.p.br. 997/2 i k.p.br. 998/1 za K.O. Novo Selo za koje je Odlukom Općinskog vijeća broj: 01-31-7-2543-6/16 od 30.12.2016. godine ("Službeni glasnik Općine Tešanj", broj: 10/16) data saglasnost za korištenje do 31.12.2018.godine.

Zemljište je firmi "MADI" d.o.o. Tešanj dato krajem 2010.g. Odlukom Općinskog vijeća prvi put na korištenje radi zbrinjavanja animanog otpada nastalog u radu firme, tako da je ista zemljište koristila i koristi do 31.12.2018. godine, a na osnovu Odluka vijeća.

Istaknuto je da je firma "Madi" d.o.o. Tešanj najveći proizvođač pilećeg mesa i prerađevina iz pilećeg mesa, kako u Bosni i Hercegovini, tako i u regiji, da firma ima 600 uposlenika, od kojih su ¾ radnika sa područja Općine Tešanj i preko 150 kooperanata sa kojima saraduju po pitanju tova pilića/brojlera. U posljednjih pet godina firma bilježi veliku ekspanziju, samo u ovom periodu otvoreno je novih 280 radnih mjesta, u nove proizvodne pogone, nabavku opreme, izgradnju uređaja za prečišćavanje otpadnih voda i kompleksa farmi investirano je preko 25 miliona KM sa investicijama koje su bile na području Općine Tešanj, te da je sponzor različitih aktivnosti u oblasti kulture i sporta. Kako se u toku proizvodnih procesa kao nus pojava javlja animalni otpad kojeg je potrebno adekvatno zbrinuti, a problem zbrinjavanja animalnog otpada nije sistemski riješen na nivou Bosne i Hercegovine, "MADI" d.o.o. Tešanj je potpisao Ugovor o izvozu nusproizvoda životinjskog porijekla sa Agroindustrijskim kombinatom iz Bačke Topole, R Srbija na period do 3 godine do 31.08.2021. godine, a 16.11.2018. godine je prvi kamion sa otpadom otpremljen na dalju obradu u postrojenje u Srbiju, gdje se planira izvoz (80%) nastalog otpada. Za zbrinjavanje animalnog otpada pribavljena je dozvola za upravljanje otpadom i njegovo odlaganje od Kantonalnog ministarstva za prostorno uređenje, promet i komunikacije i zaštitu okoliša ZDK, da je navedena dozvola istekla sa 31.12.2018.g. kada je prestala da važi i općinska odluka o davanju nekretnine na korištenje i da će se ponovo od nadležnog ministarstva pribaviti dozvola, ukoliko se dobiju nekretnine na korištenje. Istaknuto je da iako je potpisan Ugovor o izvozu animalnog otpada sa AIK Bačka Topola iz tehnoloških razloga, ista nije u mogućnosti da zbrinjava sav otpad koji nastane u radu ove firme, ali se nadaju da će isti u dogledno vrijeme izvoziti, nakon što firma nadogradi vlastitu tehnologiju. Ova lokacija za koju se traži nastavak korištenja, je bitna za deponovanje otpada u slučaju zatvaranja granice, epidemije i slično, kako bi se izvršilo zbrinjavanje animalnog otpada, kao i prethodnih godina, ali uz znatno manje količine otpada, a nakon što se dobije saglasnost za izvoz proizvoda u EU, stvorit će se mogućnost zbrinjavanja otpada u nekoj od zemlja EU, a jedna od takvih potencijalnih lokacija je deponija u Ivanić gradu u R Hrvatskoj. Slijedom izloženog, podnosi se prijedlog ove Odluke Općinskom vijeću na razmatranje.

Obzirom da se radi o djelatnosti gdje je potrebna kontrola odlaganja animalnog otpada, da je to u nadležnosti službe za komunalne i inspeksijske poslove, tako da će sve aktivnosti vezano za praćenje i monitoring ove Odluke provoditi ista. U prilogu Zahtjev "MADI" d.o.o. Tešanj, ranija Odluka (Izvod iz "Službenog glasnika Općine Tešanj", broj: 10/16) i kopija katastarskog plana.

OBRADIVAČ: POMOĆNIK OPĆINSKOG NAČELNIKA:

Služba za katastar, urbanizam i
imovinsko-pravne poslove


Nadir Medarić, dipl.ing.geodezije

PREDLAGAČ: OPĆINSKI NAČELNIK: OPĆINE TEŠANJ


Mr. sci. SUAD Huskić

Broj: 02-31-7-2525-5/18.